



Home > BERNART DE VENTADORN > EDIZIONE > Quan l'erba fresch'e·lh folha par > Tradizione manoscritta > CANZONIERE V > Edizione diplomatica

Edizione diplomatica



Can lerbes uert ela fuella par. ela flor brotona. pel
uerian. lo rossijnhol autet eclar. aussa uotz emou son chan
ioy ai deleis eioy. ai dela flor eioy. deme edemidons maior de
totas partz son deioy claus. eseins. mas est es ioys que totz los




autres uens.

Bela uolgra sola trobar. que dormis on fezes semblan. cadoncs
lemblera un douz baisar. pus no ual tan quelli deman. donc uira
eu madona la genzor. los sieus bels huils. esa fresca color. ebaiseral la
boca p(er) totz seins. que de dos mes iparegron los seins

A las com muer de cossirar. que mantas uetz ne cossir tan. q(ue)lairos
meporion panar. nosabria dir q(ue)si fan. p(er)deu amor bem trobatz ue(n)
zedor. ab paucs damics. (et) ab meins deseinhor. car si uals tan amido(n)s
nodestreins. que un baisar nagues. atot lo meins

Image not found

https://letteraturaeuropea.let.uniroma1.it/?q=sites/default/files/styles/661/public/V%20%285%29_15.png&itok=qTuTHkt7




Tant am la bela ela tenc car. ela redupte elablan. q(ue) deren als no(n)
laus p(re)iar. nire nolq(ue)r ninol deman. mas il sab be mo mal ema
dolor. ecanli platz fai me ben ehonor. ecan nol platz (et) eu pas ab me
ins. q(ue)u no uuil re caleis sia blasteins.

Bem m(er)ueil compusc durar. car nol demostri mon talan. cant
eu uei midons ela gar. la boca els cils tan gent estan. apauc nomu
er car eu uas leis no cor. sim feiria ades si non fos p(er)paor canc no uis
cors miels talat. ni depiens. ad obs damar. tan sia greus ni leins.

Image not found

https://letteraturaeuropea.let.uniroma1.it/?q=sites/default/files/styles/661/public/V%20%286%29_12.png&itok=Fpt4hRAc



Ben deuriom donas blasmar. car uan lur amor tan luinhan.
que lenga paula damar. es enuig esembla damar eninhan. ca
mar pot hom efan semblan aillor. egen mentir lai on nona
auctor. bona domna absol camar medeins. ia p(er)mentir nocug
eser ateins.

Seu sabes la gent encantar. mei enemic foro(n) efan. q(ue) ia hus nos
aubra pessar. ni dire cauos tenges dan. bona dona pauc esplexam
damor uassen lo tems eperdem lo meillor. parlar pogram ab cub(er)tz
entreseins. epus nous ual arditz ualges nos geins.

- letto 438 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2370>